

哉呂聖功為相于四方替罷謁見者必問地方人才客去
隨疏于籍故朝廷索材如取之橐然辟之良工構室棟梁
榱桷大小畢獲誠觀之素也予見公數巨冊人才臧否良
枯種之皆具惜夫未正冢宰之任而公去然其及于世者
亦豈微也

丙申徵戶部二十四萬金戶部言無例

戒稅監額外苛徵

丁酉左都御史溫純等申飭憲綱曰重激揚抑趨承恤民隱
慎刑獄禁酷濫重彈壓

恭順侯吳繼爵卒

己亥山海關灤州盧龍等地震

庚子西虜入花馬池安定堡五日吏卒匿不報


壬寅大雨告謝郊壇

癸卯虜犯遼東都指揮邵國拒之出塞多死傷巡撫李植慮
再至乞留總督邢玠暫任遼陽從之

五月甲寅淮安城隍廟大椿自焚

丁巳光祿卿李三才為右僉都御史巡撫鳳陽

戶禮部左侍郎陳藻余繼登為戶禮部尚書



上責戶部買珠寶怠緩奪堂官俸二月司官及順天府官俸
半年勒限趣上

南吏部右侍郎趙煥為尚書南工部尚書郝杰改兵部尚書
左春坊左庶子葉向高為禮部右侍郎巡撫河南臧惟一為
兵部右侍郎俱南京

戊午右通政徐申被論改應天府丞

辛酉太常卿鄭國任為右副都御史撫治鄖陽

乙丑 皇長子暫輟講

戊辰左諭德范醇敬唐文獻為左右庶子兼侍讀左中允袁

宗道為左諭德兼侍講

巡撫福建金學曾罷

提督李化龍至四川


己巳巡撫貴州郭子章至沅州

壬申御史冷宗濬劾遼東稅監高淮橫甚不報

禮部右侍郎馮琦改吏部南太常卿鄭繼之為大理卿

癸酉楊應龍寇綦江

北關屬夷那林字羅急攻南關猛骨字羅不能支走建州衛
乞援兵被其誘殺邊吏往詰之乃還其次子草庫而子女歸



長子吾兒忽答名為撫養寔羈留不遣也北遣至是畏建州

強求還忽答守靖州安堡廷議不能決建州遂併南閩

六月戊寅朔裁陝西黃甫川波羅寧塞守備改設叅將

辛巳予故左都御史劉燾祭壘贈太子少保

壬午沈一貫請亟考選科道

丙戌南祭酒敖文楨為詹事府兼侍讀學士脩玉牒

協守宣府副總兵梁秀加都督僉事

丁亥內監王彪兼理真定保定永平薊州礦務

己丑御馬監丞沈永壽筦廣東稅礦

庚寅皇幼女殤追封香山公主

戶科都給事中李應策言撫臣臧惟一貫待問魏允貞曾如

春汪應蛟等各報旱災命戶部議或蠲或賑

甲午故巡撫河南鍾化民贈右副都御史立忠惠祠


初順義王椿力克歸自西海奉貢市惟謹後延綏寧夏兵搗

巢疑畏徙帳而北邊臣諭止俄調諸台吉西送佛僧巡撫大

同房守土遣諭勿西行因以聞

丁酉五軍營左副將施朝卿賄敗戍雷州衛託延三年兵部

趣發之



予故戶部尚書楊俊民祭墓贈少保

己亥楊應龍反應龍知不宥乘我師未集以兵八萬分犯南
川江津陷綦江守兵不滿千叅將房如寵游擊張良賢死之
賊遂檄重慶守臣縛送秦民守臣歸恐其子可棟之喪厚賄
之而委罪指揮某以自解
丙午諭兵部嚴門禁沈一貫言東征川土內土官多楊應龍
之族恐其兵雜大工軍匠混入也
應天衛百戶范倉請設雲貴稅監命內官監左監丞張慶往
貴州

郡御史溫純等戶科都給事中李應策御史應朝卿各疏諫
不報沈一貫揭止之

七月戊申朔工科左給事中郭如星請罷選貢部覆從之


旌藩王珪堯孝行

壬子兵部左侍郎許孚遠致仕

四川總兵官仍駐建武協守副總兵駐松潘

甲寅戶部言順天府官所買珠寶無見商上切責之府尹

萬自約降兩浙鹽運副使餘鐫三秩調外通判何天申謫無
為州張九叙謫澧州大興知縣馮運泰謫荊門州俱判官宛



平縣丞張九功謫廣東布政使照磨

雲南進金色惡奪布政使王紹慶等歲俸

丙辰殺臨清人王朝佐先是稅監馬堂激變獨朝佐承其罪

庚申吏科都給事中項應祥疏救萬自約鑄四級調外

丙寅王鴻圖王明為大理左右少卿

丁卯南守倫太監郝隆劉朝用採寧國池州等礦

戊辰前兵部右侍郎沈子木為南太常卿

辛未承天沔陽岳州地震

前發酉前巡撫四川貴州譚希思江東之追論播州事削籍

乙亥巡撫浙江

六年考滿進右副都御史

戶部給事中李應策姚文蔚以播州警乞停中官礦稅不報

安南都統使黎惟潭卒時易印未至弟維新嗣

八月丁丑朔命豫處黔餉


逮荊州府推官華鈺黃州府經歷車任重以湖廣稅監陳奉

誣劾之也荊州知府李商耕黃州知府趙文煒荊門知州高

則葵各降一級

賜四川總督李化龍尚方劍

已卯詔暴楊應龍罪狀頒賞格



辛巳趣劉綎陳璘赴蜀

刑科左給事中楊應文勘報斬倭二千二百二十八級

癸未故朝鮮監軍御史陳効廕錦衣衛百戶世襲

乙酉兵部尚書田樂以楊應龍私賂于家執其人以聞

譚懋功嗣新寧伯

戊子祭酒方從哲等乞罷礦稅不報

楊寅秋為貴州按察使張存意為布政司叅議俱監軍

朱天爵嗣武進伯以世雍無子及之

吏部郎中梅守峻轉太常少卿吏科給事中楊天民言其險

黜調外

甲午四川狄道縣東山崩山南忽涌小山五約高二十餘丈

丁酉雲南稅監楊榮虐諸生見詔榮劾巡撫陳用賓命下諸

生于理

戊戌四川左叅政謝紹右叅政張棟貴州按察使楊寅秋左

叅議張存意並為監軍給勅

庚子山東保定巡撫

各請蠲卹章下所司


辛丑陳璘為湖廣總兵官鎮守偏沅

癸卯予故駙馬都尉許從誠祭墓予故少保臨淮侯李言恭

國權

萬曆二十七年

十七



祭墓

甲辰夜火星犯奎宿

設 興隆泰將

安南莫敬恭復舉兵鄭松攻卻之未几莫氏遁


九月丁未朔贈陳效光祿寺卿

前南右都御史王樵卒字明逸江南金壇人嘉靖丁未進士授行人遷刑部主事精于法比出山東按察僉事核賑飢民憂去萬歷起浙西兵備入為尚寶少卿進司卿請全劉臺初以安大臣忤時相遷南光祿卿投劾去起南太僕少卿進大

理卿明年刑部右侍郎尋右都御史俱南京三載致仕樵好經術如古書淫傳癖年七十九所著周易私錄尚書日記詩考周官私錄春秋輯傳四書紹聞編讀律私箋考定周易參同契老子解方麓居士集戊申筆記紫薇堂札記省往錄鎮江府志等書行世素精博操履純潔予祭墓贈太子少保謚恭簡子肯堂萬歷己丑進士官檢討

已酉命湖廣巡撫移往沅州徵廣西南丹東蘭泗城諸土司各簡三千人征楊應龍

辛亥午刻日躔角太白太陰同尾度月犯金星



壬子設貴州畢節叅將尋罷

旌德平王載琛善行

甲寅戶部進大珠龍涎香仍弁細珠令速進

前襄陽知府李商耕降兩淮鹽運同知黃州知府趙文煒降

福建鹽運同知荆門知州高則英降廣東都司斷事

乙卯叙東征功進邢玠太子太保世錦世衛指揮僉事賜金

四鎰蟒服一督餉侍郎張養蒙賜金幣萬世德進右副都御

史各廕子入太學摠兵 兵師職倭功最劉綖次之麻貴

功淳于罪各陞廕賜金幣有差董一元復秩楊俊民賜太子

太傅游擊許國威為四川摠兵官其陣亡之副摠兵官鄧子

龍等贈廕各有差巡撫順天李順摠督王世揚最為有功加

世揚兵部尚書順右都督御史汪應蛟梅國楨王象乾劉元

霖李植等次之


以京輔災蠲京邊折銀且賑之

己未進趙志昂太子太師中極殿大學士廕尚寶司丞沈一

贊少保吏部尚書廕中書舍人各賜金幣

庚申山東稅監陳增原奏官開礦于濟南湖廣稅監陳奉原

奏官韓國柱開礦于德安



乙丑命楊鎬以巡撫原官錄用

禁各處內官奏擾

丁卯南光卿祿陳洙以前山東右布政使鎬一級調用

丙寅前吏部右侍郎楊起元卒字貞復廣東歸善人萬歷丁

丑進士選庶吉士授編脩至今官潛學醇行恬夷靜漠真儒

者也年十一予祭葬

母吳道南曰人子學因年以進先生之聖功基以始志人子

兼親因物稍遷先生之孝思慕以終身况隆師無間死生友

弟惟知親愛推斯何所不治更何必以緒餘屑然為先

生表見哉

戊辰命免肩負之稅

沈一貫以曹學程行決乞緩刑報聞而未遽言有之也

己巳遼東提兵官孫守廉廣東提兵官侯繼高並劾罷

馬林為征虜前將軍提兵官鎮守遼東兼備倭

辛未誅沈惟敬等十九人

壬申免保定河間存留災租


故駙馬都尉許從城贈少保

癸酉虜掠大凌河復犯大寧堡明日至義州飽掠而去

國權

萬歷二十七年

二十



虜大舉犯錦義巡撫李順報功巡按御史王業弘論其調度
乖方

十月巳卯兵部留總兵張榜以四千人李承勳以三千六百人
助守朝鮮

四川左布政使程正誼為順天府尹
前巡撫山東鄭汝璧為南太常少卿
旌周府輔國中尉勤燁孝行廬墓
濟陽衛千戶何其賢奏萬歷二十五年御史蕭重望請覈天
下歲解至今部未覆乞勅內官同臣等將浙江江西湖廣見

庫清查逐一解進 上用內監孫隆等會撫按具奏


驍騎衛百戶仇世亨請徵湖廣各郡縣積貯義銀又興國州
人漆有光報徐鼎等發掘古墓得黃金巨萬乞命內官督臣
等查解 上屬陳奉同撫按任之

癸未賑浙江飢民

沈一貫請寬華鉦等不聽

甲申南禮部尚書王弘誨致仕

南祭酒郭正域請申飭監規廣搜額以羅異才嚴差以杜請
託覈贖鍰以一賞罰勤課誦以終職業改歷期以嚮定學復



查押以警游蕩從之

丙戌權派四川湖廣地畝

劉綎改南右軍都督府僉書褫總兵萬鰲綎受命不即進鰲通夷納賄也

山西飢

命總督李化龍駐重慶調度川貴湖廣官兵

戊子令貴州撫按諭水西土司安疆臣貫罪進兵討楊應龍朝鮮請水師八千人協守餘軍乞駐遼陽易援


辛卯令廣東監稅李鳳歲徵二十萬

甲午進劉東星工部尚書兼右副都御史及工部尚書楊一魁俱廢國子生餘各有差時南鴻臚寺卿張朝瑞議淮與黃河合自宋熙寧來五百餘年泗水無水患萬歷七年泗州東築高家堰以過淮泗陵始患欲拯患宜導淮宜議高家堰總漕褚鈇駁曰陵患在高家堰宜開周家橋立高良閘何好事者偶議分黃導淮不知淮之患在泗州黃之流在清河地相距二百里而遙黃為患宜分黃導淮為淮患宜分淮導淮各因水勢利導之

左中允黃汝良言災異不報

國權

萬歷二十七年



辛卯設大同鎮守備及馬營守備

十一月丙午朔吳汝胤嗣恭順侯

戊申命宣府總兵官董一奎仍視事

令山西簡兵二千人屬游擊袁登往戍河上自十一月為始

正月撤

已酉折徵河南災租仍賑之

發通州倉三千石賑三河及興武神武等二衛飢民

先是巡撫陝西賈待問論太監梁永橫擾不報已梁永以同

知宋言嗾亂下撫臣按之御史楊宏祥言其不可勿聽

已未沈一貫屢請閣自命吏部廷推朝野才望者

甲子御史楊宏祥姚思仁于永清徐元正趙文炳李思孝畢

三才吳楷閱視各邊

丁卯江西饒州通判沈榜陞崇府審理而陶人乞留有旨添


註通判蓋江西稅監潘相所奏也部科論之不報

以馬尚仁報通州如臯新洲田九萬餘畝命太監守備邢隆

劉朝用覈理

已巳貴州總州兵官童元鎮以怯敵免官自從戎自贖李應

祥為貴州總兵官



壬申內府火延藝尚寶司印綬監工部廊至銀作局火起印
授監右監丞王進太監崔卿降三級

癸酉發粟三十萬石以十萬石賑畿輔餘平糶

免鳳陽亳州等旱災田租且賑之

乙亥暫停四川採木

十二月丁丑工部主事黃龍水光以六科廊火降降貴州布政

司經歷

己卯岷府廣濟王定燦薨

庚辰罷延綏巡撫王見賓褫提兵趙夢麟職

甲申琉球中山王世子尚寧入貢

蠲四川華容等縣災租

戊子畿內災流民就食京師命粥之

己丑祭酒方從哲疾去

壬辰詔以湖廣漕糧濟川貴軍興

吏科左給事中程紹言中官不宜輕信外政不宜輕假 上

怒削籍閣臣揭救謫


總兵李汝巡撫楊時寧遣材官金成以甲士三十六人自寧

夏泛舟繞出河套斬虜十六級

國權

萬曆二十七年

二五



國權

萬曆二十八年庚子

正月丙午朔 上不朝

鹽官設遷孺木著

吏部尚書李戴言山西開礦內臣張志奏調 知縣韓董

臣竊怪之守令才地不相宜撫按奏之下部題覆未聞內臣

竟擬調也不報


丁未吏部言考選久稽不報

石砭宣撫司馬千乘敗賊于鄧坎時楊應龍分兵攻龍泉司

國權

萬曆二十八年

國家圖書館, NATIONAL CENTRAL LIBRARY, TAIWAN, R.O.C.



戊辰贈故兵部尚書張學顏少保

己巳太僕少卿王守素許宏綱為左右通政

辛未刑部員外郎夏燠以按中璫失火璫嫉之降貴陽通判

壬申夜火星逆行過柳鬼宿

二月乙亥朔山西按察使江鐸為右僉都御史巡撫偏沅等處

提督軍務糧餉

丙子命內監王彪兼管直隸寶坻薊田

丁丑閣擬 皇長子講閣復請之不報

令兵部選一武臣往封琉球國世子尚寧

戊寅祭太社太稷京師地再震


山西左布政使劉夢雷為南光祿卿

許巡撫山西魏允貞終養以不由部覆閣謂非制仍請下吏部不報

己卯命太監暨祿兼徵鳳陽安徽慶廬常鎮之稅前止徵應天太平寧國淮揚以羽林衛副千戶王承德金吾左衛百戶吳應之請

南守備太監邢隆稅沿江洲田

辛巳內監魯坤開彰德衛輝懷慶開封等礦峒以武驤右衛



百戶張欽言之也

楊應龍劫洪邊宣慰司宋承恩承恩初聘應龍女絕婚提三千人助守烏江


甲申鳳陽飢多盜巡撫李三才以聞命有司多方軫恤嚴飭中外毋生事擾民

趣各省直織造料銀

丙戌總督李化龍分八道進師總兵劉綎出碁江叅政張文耀監之總兵馬孔英出南川僉事徐仲佳監之總兵吳廣出合江叅議劉一相監之副總兵曹希彬出永寧叅議史旌賢

監之貴州分三道總兵童元鎮出烏江叅將朱鶴齡宣慰安疆臣等出沙溪總兵李應祥宣慰彭元瑞等出興隆衛按察使楊寅秋叅議張存意監之湖廣偏橋一路屬總兵陳璘分兩翼璘從白泥副總兵陳良玘從龍泉按察使胡桂芳叅議魏養蒙監之每道各兵三萬刻期並發巡撫郭子章駐貴陽支可大移沅州化龍駐重慶初朝命水西宣慰司安疆臣助兵子章令按察副使洪澄源監疆臣軍糧臣與楊應龍寔唇齒內懷觀望數張皇賊勢

戊子錦衣衛百戶王體仁奏徵長江舡稅遺稅從之命提督



廣寧店內官陳奉官其浙江江西山東臨清以北罷其復

已丑我兵連三峒

李化龍奏劉銓名將部伍整肅器械精利欲以川東屬之與
吳廣分道並進而科臣言其驕蹇悻功且聞其在荊州受賊
重餽宜如童元鎮例革秩受事 上從之命亮為事官剿賊
自效

命湖命廣巡撫支可大移偏橋衛

庚寅騰驤右衛百戶李鑿上錢法九事請特給閩防命屬稅
監陳奉閩防不准給

夜火星順行鬼宿

壬辰沈一貫請 皇長子冠婚不報

丙申河南永城縣飢賊流劫

戊戌南守備太監邢隆以勘廬江洲田另給欵差督管洲田
閩防


已亥命閣臣查對京省試錄出格應天浙江江西湖廣河南
考官各量罰

貴州皮林苗吳國佐作亂國佐洪州司特洞寨苗也性桀黠
走淮泗通漢語畧知書義大其叔大榮妻龍氏黎平府持之

國權

萬曆二十八年

四



急素有異志諸苗遂反自稱天皇上將又名石纂太自稱太保殺百戶黃鐘普等與國佐合圍上黃堡叅將黃冲霄守備張世忠討之詐降設伏冲霄大敗走永從縣賊追殺我千人溪水盡赤執世忠炙之使自食世忠罵不絕口同諸苗噉之遂掠七十餘屯堡焚五開衛南城破永定縣圍中潮所副總兵陳良玘討之失利退屯靖州國佐益橫

三月甲辰朔楊應龍子朝棟等分三道拒我劉綎擊走之鳳陽妖人趙古元被逮入京

乙巳平越兵克四牌


丙午立太平駙于麻城光山間麻城距光二百四十里故山設于王家樓

夜唐王府火

戊申四川貢扇不工左布政使程正誼降廣西左叅政右布政使王道增降福建右叅議劉三才降山西按察僉

事布政司理問趙嘉賓降楚雄府經歷成都府經歷降貴州宣撫司經歷

庚戌兩淮鹽務少監魯保叅稅監陳增委官程守訓假武英殿中書舍人恣虐不報



刑部郎中徐如珂謫連州判官負外郎林曜謫南安推官主
事鍾鳴陞澧州判官曹文煇福寧州判官各添註

四月甲戌朔官軍屯白石楊應龍身突戰敗之

虜五百餘騎犯黑莊渠等堡

乙亥報雲南賊平初順寧府逆酋猛廷瑞助大侯州賊酋秦
學為亂攻州城官軍擊平之

江鐸至沅州

丁丑存問前南兵部尚書楊成


刑部主事謝廷讚請建儲謫貴州布政司照磨

戊寅沈一貫密揭言奉命撰勅未發 上報曰謝廷讚狂妄
少待之俾天下臣民曉然出自朕心定不惑也卿等可傳示
諸臣靜俟移居畢節待勅

甲申雲南礦稅寶井內監楊榮劾雲南知府蔡如川趙州知
州甘學書等

乙酉珠池市帕稅務內監李鳳激變新會縣因叅鄉官吳應
鴻貢士勞養魁鍾聲朝梁斗輝民李芸易等俱命逮治
平越兵克黃灘關

丙戌予故巡撫福建張汝濟祭塋



水西鎮雄兵克桃溪焚楊氏衛舍家廟

戊子封由漕壽光王

趙王常清庶子

常澍豐城王

益王翊釗庶子

已丑左春坊左庶子范醇敬為少詹事兼侍讀學士命纂脩

玉牒

工部員外郎楊為棟稅及賑米賑靖州同知

庚寅議罷朝鮮兵

辛卯華增嗣武岡王

水西鎮雄兵入播州官軍圍海龍圍賊窘死守詭令婦人哭
拜表詐降

壬辰珂權嗣萬安王

補尚寶司所燬牙牌

癸巳右春坊右庶子唐文獻為左春坊左庶子左右諭德袁

宗道楊道賓為右庶子兼侍讀左右中允黃汝良黃輝為左

右諭德並兼侍讀右贊善區大相編脩莊天合為左右中允

並兼編脩簡討周如砥為右贊善

右軍都督府署都督僉事劉承嗣


甲午劉世子由樊嗣荆王

免京師牙稅

國權

萬曆二十八年

七



錦衣衛都指揮使王之楨進都督僉事

乙未巡按直隸御史吳達可上飢民圖說

套虜犯寧塞營杜松拒卻之

五月丁未逮故總兵童元鎮

留巡按貴州御史宋興祖仍一年

戊申朝鮮請留戍三千人時議撤不一

庚戌總理兩淮鹽務太監魯保

壬子巡撫貴州郭子章報鎮雄土知府隴澄斬楊維棟偽提
調等五千餘人為諸路倡下兵部議旌

丁巳始命工部事管琉璃黑窯廠三年代之

已未李化龍聞喪命奪情視師


巡撫鳳陽李三才請停礦稅曰自礦稅繁興萬民失業朝野
囂然莫知為計 皇上為斯民主不惟不衣之且併其衣而

奪之不惟不食之且併其食而奪之正權之使急于星火搜
括之令密如牛毛今日某礦得銀若干明日又加銀若干今

日某處稅若干明日又加稅若干今日某官阻撓礦稅明日

某官怠玩礦稅罷職上下相爭惟利是聞如臣境內抽稅徐

州則陳增儀真則暨祿理鹽揚州則魯保蘆政沿江則邢隆



千里之中區使四布加以無賴亡命附翼虎狼如中書程守
訓尤為無忌假旨詐財動以萬數昨運同陶允明自楚來云
彼中內使沿途掘墳得財方止聖心安乎不安乎且一人之
心千萬人之心也 皇上愛珠玉人亦愛溫飽 皇上憂萬
世人亦戀妻孥奈何 皇上欲黃金高于北斗而不使百姓
有糠粃升斗之儲 皇上欲為子孫千萬年而不使百姓有
一朝一夕試觀往籍朝廷有如此政令天下有如此景象而
有不亂者哉
壬戌沈一貫考滿進少保吏部尚書廕中書舍人

甲子延慶長公主薨

乙丑前福建布政司左叅政王叔杲卒浙江永嘉人嘉靖壬

戌進士

夜土星犯木星


丁卯脩大高玄殿

復故摠督浙直江西福建兵部尚張經原官廕其孫懋爵入

國子監

富平知縣王志正奏稅監梁永趙欽婪橫不報

庚午水西宣慰司安疆臣鎮雄土知府隴澄還師或言水西




通直總督令退舍疆臣曰吾不為亡播續也與澄先引去
西虜火落赤等犯寧夏安定堡花馬池副總兵李崑被圍甚
急寧塞營副總兵援走之

辛未李三才奏數月以來凡有章奏但係礦稅即東高閣一
切不省臣之前疏非泛常也國脈民命之所關天心祖德之
所在也人主能為萬姓之主然後奔走禦侮若休戚不關威
力是憑劫奪之已耳斬刈之已耳孤人之子寡人之妻析人
之產掘人之墓奸貪殘賊若近日秦楚等所奏即在亂國仇
人猶所不忍况吾衽席之赤子亡辜之齊民哉窮困無聊遂
生窺竊如徐州趙古元之類是已夫天下非小也草澤之人
至衆且廣也欲為古元者何限獨以朝廷處置得宜綱紀有
道欲乘之而無衅欲挑之而無端故俛首頰心從教從令耳
今乃驅之使亂臣懼萬姓不肯為朝廷主也

六月丁丑官軍克海龍圍楊應龍自經妾田氏子朝棟等被獲
先後擊斬二萬二千六百級播州卒

申時行曰播州之役三省財力耗費以巨億計楚蜀之間
駟騷甚矣向非委官不索賄應龍不繫獄調則必赴召則
必來何至稱兵叛逆悍然不顧乎挑衅啟禍必有任其責



甲申應城伯孫允恭卒

丙戌兵部尚書楊一魁考滿加太子太保兼太子少保

廣西思恩州土官黃大錫絕歸其地永康縣名永康州

丁亥脩琉璃河橋

禮科給事中王士性極言礦稅之害不報

戊子工科都給事中王德完上言理財用人其理財有七曰
嚴義利之別明一體之誼通家國之理存敬畏之心識脩省
之要廣視聽之益謹安危之幾改苛斂之失用有人七曰礦
稅之使當撤被逮之臣當恤撫臣之任當專選取之命當下

遷謫之臣當用青災之赦當行輔相之求當並不報

丁酉李化龍乞終制不允

戊戌選富平知縣王志正礦監趙欽劾之

己亥平播報至


辛丑夜有大星色赤自中天流西北入雲中二小星隨之

巡撫遼東李植奏遼東馬市自二十二年以前二千四百

餘金至二十三年委馬政官俞萬策兼管夷酋詭名重名比

舊增三倍二十四年增至四千五百餘金二十五年增至六

千四百餘金二十六年撫臣張思忠察其弊裁覈仍舊二千



已未陝西稅監梁永許富平知縣王正志仍請勅巡邊盤庫
許之

壬戌報西寧軍逃叛

彰德大風傷黍

丙寅增解額南雍五人北雍十五人

叙甘鎮西寧莊涼斬獲功兩鎮陞賞有差

戊辰太常少卿史益麟疾去

許偏沅巡撫江鐸守制仍裁其官

興武衛指揮周原茂請開礦貴州道御史李時華奏之不報

己巳巡撫延綏劉敏寬罷

前兵部尚書楊成卒字


江南長洲人嘉靖丙辰進士授

工部主事歷浙江按察副使至今官年八十予祭墓贈太子

太保謚莊簡

馮時可曰評者謂公不設般若而苦行則真禪不立黨幟
而定行則真儒不遁巖穴而離俗則真隱不敝冠垢服不
張崖立岸而皜軒、暎水壺麗朱霞對帝質神始自角
卯終於鮎背吾無間然矣

庚午討皮林苗四川湖貴廣西兵勦協



福建興化府大雨水浸城

八月辛未朔前湖廣按察副使萬振孫承天知府王禹聲鍾祥知縣鄒堯弼並削籍初吏部擬降振孫廣東叅議禹聲福建運司同知堯弼連州判官不允改擬廣西叅議禹聲福建運司同知堯弼普安州判官又不允竟令削籍

前遼東屯田把總韓應龍奏四川成都龍安產鹽茶并重慶馬湖產名木 上即命內監邱乘雲往徵成都龍安等處鹽茶

鎮守延綏總兵官王威罷

前四川左布政使程正誼降廣西右布政 上怒各官申救


鑄三級

壬申庶吉士黃國鼎楊希聖李思誠周道登溫體仁為編脩趙思聖高承祚張文光邱禾實王毓宗張邦紀盛以弘為簡討梁有年洪瞻祖張鳳翔為戶科給事中林秉漢楊文瀛黃陞曾舜漁為御史

甲戌宣府總兵官都督同知麻承恩改鎮守延綏

戊寅宣府副總兵梁秀為鎮朔將軍總兵官鎮守宣府

己卯前少詹事兼侍讀學士黃洪憲卒



壬辰福建南安地屢震九三日太湖縣有天火墜縣門

癸巳福建：陽地震

甲午巡撫河南曾如春請賑卹

前南禮部尚書林士章卒字德斐福建漳浦人嘉靖己未進士官編脩進司業夏去起南祭酒改北進禮部右侍郎轉左後長南禮部致仕士章諳練朝典兼善星歷年七十有五予

祭塋

丙申命大河南北山東設法賑災


河內縣天鼓鳴有星隕常平鎮北二星掘之尺許獲石膚黑

中白

戊戌許搃督李化龍終制

京師西北天鳴

是月京省主試順天左庶子楊道賓脩撰顧天峻應天左諭德黃汝良右中允莊天合浙江檢討劉生中兵科左給事中桂有根江西編脩楊繼禮戶科右給事中楊文蔚福建檢討朱國楨兵部主事吳用先湖廣檢討沈濬兵部主事張其廉河南吏部主事倪斯蕙刑部主事陸應川山東工科左給事中張問達戶部主事鮑應鰲山西刑部主事李叔春工部主



事應汝化陝西戶部主事江中楠行人胡國鑑四川戶部主
事楊一葵兵部主事趙拱極廣東兵部主事楊麟祥工部主
事張嗣誠廣西刑部主事施爾志中書舍人柴大履雲南戶
部主事魯遐大理評事蔣之秀貴外兵部員外郎黃士吉行
人王益震

福建同安地大震

南通政司右叅議朱廷益卒字汝虞浙江嘉善人嘉靖


進士歷南吏部郎中出為江西僉事請謁不行平生敦尚名
節作官二十餘年僅一先疇百畝假屋以居其沒也僚友醵

金殯之

郭正域曰賢士大夫無不飭簞簞而或不信于人或小推
而大攫或陽吐而陰茹朱公之貧真貧也批鱗君子筮仕
而侃々末路而墨路豈其殊操後乃愈溢也矣朱君靜而
正之粗而翹之白首如一遇事風生綽有條理聽者悚動
不隕獲于貧賤不充詘于富貴不假之年矯々錚々古之
遺乎

九月辛丑朔日食

刑科右給事中陳繼春疏救蔡如川甘學書不報



謚祐聖夫人徐氏曰勤敬榮安氏乳 上閣臣兩擬 上並

用閣臣謂無此例 上答不為例

衛應爵嗣宣城伯

丙午旌鉛山王 繼選楊氏未婚矢節進封王妃

刑科右給事中陳繼春請停刑不報

貴州宣慰司安疆臣貢馬

庚戌總督兩廣陳大科劾罷

辛亥前刑科都給事中宋之韓卒字元卿武安人嘉靖

乙丑進士性鯁直敢言年六十九

壬子昏刻有星大如卵色赤有光自東北流東南

癸丑前太子少保總督河道戶部尚書褚鈇卒字 山西

榆次人嘉靖乙丑進士知河間奏最拜御史練達有幹略所

至著聲而視學南畿撫輯兩湖尤見稱年六十八予祭葬贈


太子太保

已未諭停刑兵部尚書田書樂等乞釋曹學程獄 上怒命

待論

庚申夜月犯井宿

庚午右春坊右庶子兼侍讀周應賓為南少詹事兼署翰林



院事

巡撫寧夏楊時寧進右都御史

套虜吉能大舉犯延綏高家諸堡薄葭州副總兵杜松語
督李汝搗火落赤之巢以牽之遂夜出定邊營搗雷赤二部
多殺傷自東路歸虜萬騎邀之松力戰被數矢不憚虜因圍
之松下馬步擊得解斬鬼哈五級餘虜五十一級虜傳烽糾
眾圍之寧夏總兵杜桐馳援乃免
十月辛未朔戶部覆南屯田御史王藩臣乞豁秋糧從之
命平播總兵陳璘剿皮林苗仍令偏沅巡撫江鐸黑袁視事

癸酉朵顏等衛入貢

丙子廣東稅監李鳳奏專署命改義倉為之

雲南稅監楊榮以阿瓦猛密土夷貢寶石牙毯等物并求寶
并專勅使開採從之

丁酉前祭酒劉應秋卒字 江西吉水人萬歷癸未進士

贈禮部右侍郎崇禎初謚文節

壬午李三才請乞休懇罷礦稅不允


乙酉諭內閣來春冊儲

錦衣衛指揮使鄭國泰以給事中楊天民所奏乃都指揮

國權

萬曆二十八年

大



使李承恩私恣假臣名妄奏 上切責承恩奪歲祿

天壽山火

戊子巡按貴州御史宋興祖請停刑不報

辛卯山西右布政使吳道任致仕

壬辰命湖廣川貴廣西各督撫就近協勸皮林苗

癸巳戶科左事給中許子偉降外以論鴻臚寺卿張棟也以

讀奏降銅仁府經歷

丁酉工科給事中張問達主試山東道奏流民飢苦狀請亟

罷礦稅卹民不報

己亥尚寶少卿潘士藻卒字去華安徽婺源人萬歷癸未進

士授温州推官拜御史執橫閹道戲良家婦者移司禮發之

杖斃其一東廠太監 銜之厲火災內監摘士藻疏有不

可使聞于左右近習語 上怒謫廣東布政使照磨尋改為


南刑部照磨進南吏部主事改尚寶司丞久不徙後進少卿

奉使卒于家與鄒元標葉茂才輩推尚氣節年六十四所著

闇然堂雜集詩文集周昉述若干卷

庚子工科都給事中王德完言臣入京數月道路相傳云中

宮役使止數人憂鬱致疾階危不保臣竊謂不然第臣得風



聞言事若如所傳則宗社隱憂臣羨袁舉卻坐之事祈皇
上眷顧中宮止輦虛受臣死且不朽上怒下錦衣獄訊其
由吏部尚書李戴御史周盤等各上疏論救俱切責之并奪
御史歲俸餘奪八月閣臣又揭請調護中宮宥德完尋有旨
中宮侍朕同居適年以來稍以悍戾每事教訓亦知改悔何
嘗有疾

十一月壬寅妖人趙一平即古元伏誅

甲辰故遼東副總兵解生贈右都督解生原降胡入宣府籍
歷戰歿墻子嶺

癸丑真保薊永稅監王處求徵屯租復益商侵占蒂地從之


甲寅吏部左侍郎裴應章為南工部尚書

辛酉督理廣西稅務御馬監太監沈永壽巡按御史呂圖南
籍其稅六萬餘金乞寬稅務濟邊用不報

丁卯沈一貫以正一人張國祥奏免徭役及本山上清宮
夫天下田土除皇莊外無不供徭今祈免非制且糧二百八
十石加三百五十石計田二萬餘畝恐盡邑境安可盡蠲耶

甲子寶鈔局火

十二月甲戌天津稅監馬堂進大西洋歐邏巴國人利瑪竇所




百方物命利瑪竇入京
延慶左衛軍家牛生犢二首二尾六足西方比肩之獸曰甲
叩距虛

萬曆二十九年春
正月庚子朔
不朝

萬曆二十九年春

正月庚子朔

不朝



國權

萬歷二十九年辛丑

正月庚子朔 上不朝

武昌沔陽火

甲辰沈一貫言 閣臣不報時趙志舉引疾

丁未禮部請卹川省之民宥正月以前徒杖等罪從之

夜月犯昂宿

已酉署禮部右侍郎朱國祚上言 皇長子年已二十淑女


國權

萬歷二十九年

一


藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.



習禮踰年乞早定三禮并冠諸皇子分封命徐俟之
壬子 上御午門詔曰朕嗣承歷服式奉先猷欲人並生庶
幾不擾八年以來俄煩兵甲賴天地廟社之靈將相臣民之
力內攘外卻無損國威然彼皆文告不來自投釁釁朕甚閔
之非為快也惟此播州故有楊氏為夷長率受我冠裳子孫
之仍籍有年朝廷之覆露良厚夫何其末肖應節龍者安忍
無親大逆不道當其嬖寵戕嫡淫刑禍民毒痛萬方凶殘七
姓國人皆曰可殺朕心不忍加誅因其漢官疆以戎索曲從
贖死為德甚宏而乃下愚不移肆行無忌敢為嫚辱妄意薦

窺既逋重慶之囚遂決跳梁之志收藏亡命構煽苗民震駭
兩川恫疑四海朕猶時章在宥未即移師而賊顧因撫成驕
因驕蔑叛內則僭越王章無復人臣之禮外則矜詡物力有
輕中國之心掩不脩于綦江梗道塗于湖貴為臣若此孰其
堪之夫帝王之道推亡固存近來東西之故胡不聞焉是用
一勞師徒四徵餽餉天休人力霧涌雲屯發蜀楚黔滇土著
之兵下秦晉吳楚如林之甲婁山崖門之隘平地九達媚漳
河渡之深崇朝一葦狡徒鼠竄偽社焚擣穴塗窮登高塞
望猶自謂重関百仞可敵萬人困獸千群堪資一戰豈知天




心既吐地險何憑死鬪不能詐降不可百道圍而飛鳥絕九
攻合而蹇兔啼突士盡而鼓聲哀騷歌悲而艷妻決夫應龍
以極惡就縊一死安贖是命剄死傳首恭嚴天誅其妻孥黨
與七十餘人檻致闕下千年守土一旦邱墟伊誰寔然豈朕
之意嗚呼漢封遠矣代有棄置蠻夷君長人安與安惟度劉
無度余一人寔不忍于赤子亦明天地日月無私穢無遠而
不疏惡無微而可蘊苟有昏暴淫虐蔑常亂紀朕雖欲赦如
天勿容其明告中外有土有身視為前車各戒爾後氛慝初
銷創夷未起師之所處荆棘生焉邑里蕭條哀此楚獨凡蜀

楚滇黔有因用兵加派錢糧及一切可緩積逋若註誤輕條
益令所司酌量蠲宥救乏振滯蕩滌繁苛咸與維新安生樂
業布告天下俾共聞知

丙辰吏部大計外官降斥有差

丁巳沈一貫言觀官大班糾劾乞御文華殿面賜處分不報
戊午趙志舉等請定 皇長子講期推少詹事范醇敬侍郎
曾朝節左右庶子唐文獻楊道賓左右諭德黃汝良蕭雲舉
左右中允區大相黃輝直講讀不報

光祿寺卿孫瑋為順天府尹



戶部尚書陳藻等言帑匱今年例闕二百萬金又御用監取辦金寶雜料如珍珠須銀一千五十七萬有奇乞增開事例助用從之

右春坊右庶子袁宗道字公脩湖廣公安人萬歷丙戌進士第一選庶吉士授編脩撰脩潔有文直東官天啟初賜祭墓贈少詹事廕子入監

癸亥左通政王守素為光祿卿浙江左布政使趙欽湯為南光祿卿巡撫宣府王象乾為兵部右侍郎總督川湖貴州軍務兼巡撫四川時播地初定總督李化龍有父喪巡按崔景


榮上言拓土撫降非亟推新督臣不可吏部推賈待問王象乾以上

甲子河南劇盜王好問等逃太行山未獲罰守備馬永光等有差

科道拾遺 右布政使撫治鄖陽右副都御史鄭國仕勒致仕浙江按察使李維楨等罷降有差

乙丑偏沅巡撫江鐸出鎮靜州合總兵陳璘等率副總兵李過文等分七路進攻皮林苗

先是北關有執政子下第故脩都于順天主考禮科都給事



中楊天民以文體劾解元趙維寰等而江西湖廣四川並挂
議禮部郎中王紀擬覆盡除貢士名署部事禮部右侍郎朱
國祚不可三易草紀猶斥苗自成餘盡停三科國祚謂諸卷
深晦有之險怪則無而使三科不試則齒髮變意氣衰矣遂
各停一科

己巳鉄嶺衛火

丙寅勅朝覲官還任


魯府鄒平王頤在薨

二月庚午朔天津督稅御馬監太監馬堂進大西洋利瑪竇土

物禮部言會典止有西洋國西洋瑣里國而無大西洋其真
偽不可知又寄住二十年方貢則與遠方慕義獻琛者不同
且所貢天主女圖既屬不經而囊有神骨仙等物夫仙則飛
昇安得有骨韓愈謂凶穢之餘不宜令入宮禁宜量給冠帶
令還勿潛住京師不報

予故南兵部尚書郝杰祭壘山西蔚州人嘉靖丙辰進士

壬申命 皇長子十四日出講閣臣請補侍班講讀官不報
兵部尚書提督薊保邢玠為南兵部尚書少詹事教文植為
禮部右侍郎署祭酒



福建左布政使朱運昌為右僉都御史巡撫福建南光祿少卿徐氏式為南通政使

前南刑部尚書錢邦彥字德徵江南吳縣人嘉靖乙未進士令南安縉雲擢吏部主事歷郎中進南通政司叅議歷光祿太常大理寺卿並南京尋改北大理卿進南刑部右侍郎轉北刑部左侍郎遷南刑部尚書致仕己卯壬 上兩使臣存問年九十又存問未至卒生平脩慎詳淹居官無公私譴賜祭塋

癸酉前吏部尚書孫丕揚起為南吏部尚書


甲戌免大同宣府災租

乙亥陝西提兵官署都督府同知蕭如薰為征西將軍鎮守寧夏

右諭德黃汝良兼司業

吏部右侍郎馮琦禮部右侍郎曾朝節主禮闈時分官考且陞辭入闈至是閣臣再催乃下

丙子叙松山功進李汝少保賈待問兵部尚書兼右副都御史徐三畏右副都御史提兵達雲左都督蕭如薰都督同知兵部尚書田樂進少保兼太子太保梅國楨魏允貞等各陞



賞有差

丁丑魯府東原王熙墪薨

夜月犯井宿

戊寅京師地震

癸未巡撫山西魏允貞上疏救山西夏邑知縣袁應春之罪
不報

南尚寶卿蔡悉致仕悉嘉靖己未進士端莊恬雅累召終不
起士論宗之

乙酉武英殿中書舍人兼理山東礦務程守訓言海運自高

郵至淮安廟灣入海自膠州新河至海倉復入海達天津工
科左給事中張問達劾守訓首罪不報

己丑湖廣按察僉事馮應京以督稅御馬監承天陳奉誣劾
命降雜秩


策貢士許獬等三百人賜張以誠等進士出身有差
壬辰保定保府火

癸巳皮林苗平官軍擊斬五百八十四級俘吳國佐等總兵
陳璘等班師廣西叅政陳最深入苗寨撫降萬計竟瘁卒予
祭塋贈太僕卿勗 寧德人萬歷甲戌進士

國權

萬歷二十九年

七



瞿九思曰皮林諸苗既建文臣以撫之又建武臣以禦之
然衛屬楚而府屬黔犬牙相制豈不脩哉顧諸苗以槃瓠
之種夙稱梟獍殺僂我將校度劉我人民負山依險倘非
守脩李楷先授地形胡能建此鴻功乎語曰殺獸鬼者功
狗也發縱指示者功人也此可以喻將軍矣臣獨謂萬歷
初伍開之變擾我疆場者非苗也軍也自是議者以黎平
亦楚然與否與

郭子章曰予讀漢史西羌傳武丁征西戎鬼方三年乃克
唐稱思主元稱羅施鬼國今猶稱大鬼主羅鬼云三年克
之孔子傷其僂至于今而有播之役二月出師六月免敵
顧三省帑藏如洗死亡相枕不待三年亦僂矣嗚呼唐僂
于南詔元僂于蛇節明一僂于米魯再僂銅仁必僂于爐
山四僂于夜郎議兵于西南夷者不可不重也

貴州監軍按察使楊寅秋卒


丙申遼東右少監高淮誣劾搃兵官馬林罷之

沈一貫言華封夫人之祝帝堯曰富曰壽曰多男子豈不以
富而壽始見福徵多子多孫方稱全福我太祖二十五子
百二十一孫累朝以來本支甚茂今皇長子踰冠婚之期

國權

萬歷二十九年

八



諸皇子亦長繩，繼、宜子宜孫今蝨斯麟趾圍統膝前
觴萬年豈惟家慶寔乃國楨何不及今舉此禮也

貴州宣慰司使安疆臣及鎮雄府向武歸德都茶等十一州
各進馬

戊戌言官論救馮應京 上怒削應京籍

湖廣稅監陳奉叅襄陽通判邱宅推官何棟如棗陽知縣王
之翰抗違俱削籍仍逮棟如陳奉欲開礦青山王之翰以近
顯陵拒之因誣及邱宅何棟如


三月己亥朔虜歹青犯錦州遼人在京者求李成梁復鎮沈一

貫以聞

癸卯兵科給事中侯先春論救馬林謫廣西按察司知事林
成邊先春謫後轉安慶推官進南吏部主事天啟初贈太僕
少卿

乙巳兵部尚書田樂請寬馬林 上切責之職方郎中張主
敬負外郎甯時鎮主事桑學夔王惟儉並削籍

逮馮應京邸宅王之翰下刑部獄應京安徽盱眙人萬歷壬
戌進士在獄著經世寔用編甲辰釋丙午正月卒天啟二年
贈太常少卿之翰獄卒天啟二年贈尚寶少卿應京逮時武



昌人大譁遂陳奉列奉兵殺二人匿楚府中命甲騎三百餘射死數人傷二十餘人奉踰月不出家執奉左右六人投之江奉自焚公署門


設遷曰事君數斯辱 神廟中年于國本礦稅並執見不移凡論救輒黨坐其譴弥重因一事株謫數人謂不如是無以鎮相持習然其風終不少止蓋樂于買直不屑以寒蟬自處也士大夫好尚有過毋不及亦足多也

丙午編修史繼偕為侍讀
己酉署都督僉事管一方為鎮撫兵官鎮守陝西

庚戌經理朝鮮右副都御史萬世德為左副都御史回院
癸丑巡撫寧夏楊時寧為兵部右侍郎提督宣大山西山西按察使彭國光為右僉都御史巡撫宣府
復禮部右侍郎朱廷立原官致仕

丙辰偏沅巡撫江鐸請撫諭九股諸苗
戊午寧遠伯李成梁為征虜前將軍提兵官鎮守遼東
己未通政使范崙為南工部右侍郎
逮湖廣荊州同知卞孔時稅監陳奉誣其抗違也

壬戌魯府陽信王壽鈔薨



癸亥孫承廕嗣懷寧侯 承恩弟

甲子武昌告變

乙丑進趙志昂兼太子太師沈一貫兼太子太傅叙府江平
叛搖功

四月戊辰朔貴州旱飢斗米四錢

癸巳巡按直隸御史安文輝請蠲賑畿輔不報

丙申設四川遵義軍民府分播州地二郡閬為界遵義府閬
內屬四川平越府閬外屬貴州遵義領州一真安縣四遵義
綏陽桐梓仁懷平越領州一黃平縣四湄潭餘慶甯安化


安撫正長官司改黃平州土同知副長官改土判官各安撫
司正長官改土縣丞副長官改土主簿播州宣慰司同知羅
即為新府土知府

五月戊戌朔成山伯王允忠為南守備領中軍都督府山西副
總兵署都督僉事姜顯祚為總兵官鎮守山西防海禦寇倭
總兵官署都督僉事李承勳鎮守貴州

己亥畿內山東河南山西遼東大旱飢遣告郊社

前貴州總兵官童元鎮逗遛逮入京遣戍

庚子兩桂子于貴陽府



壬寅賑貴州飢

癸卯襄府棗陽翊鎮薨

甲辰御苑龍舟災

乙巳浙江按察使李維禎降右叅政

丙午錦衣衛都指揮使鄭國泰請冊儲冠婚奪歲俸

夜月食

乙卯蠲保定河間田租

丁巳左副都御史萬世德為總督薊遼保定軍務兵部右侍

郎兼右僉都御史 上特授也山西右布政使白希繡為右

僉都御史巡撫山西湖廣左布政使胡心得為右副都御史

撫治鄖陽

甲子復四川提兵官都督僉事吳廣官加贈右都督前克

龍圖先登獲楊朝棟及應龍妾田氏于火中出應龍屍中毒

失聲几絕而蘇尋卒

乙丑裁興隆衛訓導設印江縣教諭以勸苗子弟也

丙寅巡按直隸御史何爾健奏飢變阜平人張世成烹其六


歲子食之

六月戊辰吏部尚書李戴六年考滿進太子太保

國權

萬曆二十九年

十三



己巳司禮監太監孫隆採稅浙直駐蘇州激變市人殺其叅
隨黃建節等數人撫按詰亂民有葛成獨引服不及其餘下
獄論死

辛未發臨清倉米十二萬石賑順天

壬申巡按直隸御史劉日梧奏臣行部徽州見程守訓暨坊
曰特旨下書咸有一德即收之貯庫守訓訐奏曰梧短不報
開貴州偏橋衛河

定番州地震

丙子巡撫順天李願為南右都御史時闕摠憲已二年


壬子兵部言松山虜被入犯官兵拒斬百六十餘級宜宣援
稱賀從之

命紫荊關馬水口軍餉歲給本色三月仍賑之時馬水口飢
兵咬死人肉巡按御史于永清以聞故有是命

甲申貴陽地震思南大水

御馬監左少監暨祿劾誠意伯劉世延罪勒回籍猶攬船免
稅命逮世延訊之

丙戌寧夏東路副摠兵杜松因忿削髮命還衛
右通政許弘綱太常少卿程奎為左右通政



丁亥臨洮搃兵官蕭如薰奪俸四月以荒燒在冬春間而遲
至夏季

戊子山西按察使黃嘉善為右僉都御史巡撫寧夏

吏部左侍郎劉元震省養

己丑襄陽府推官何棟如逮至奏辨遂下鎮撫司

壬辰南太常卿沈子木為通政使先是子木請祀 建文帝

略曰 成祖以先臣王景濂用天子禮葬則不欲廢其祀也

生為金漢玉牒之主沒啣斷蓬飛草之怨若教金餒伯有無
依不亦悲乎 皇上褒其死事諸臣 建文獨不得祀耶或

疑倫次間稱號難定夫禮以情伸數緣時降第昉蠻一狙猶

愈于輕絕勿存也宜祔 高皇帝側否則 魏文太子側廟

祔弗淪儀典斯秩不報

乙未沈一貫請暑讞釋輕囚不報


大內作乾德殿

七月丙申朔先是陝西撫按奏歲貢羊絨四千匹自去年九月

至今年四月共成三千二百匹春命改織盤陵又降柘黃暗

花二則每匹脩五丈八尺日織一寸七分半年得匹自五月

至九月豈能如額悉改織不報



已亥行人陳治則為吏科給事中黃吉士為浙江道御史
臨漳天鳴

前南刑部右侍郎王國卒字 四川洛陽人嘉靖庚戌進

士授行人擢禮科給事中歷今官立朝不阿有清節予祭葬
癸卯巡撫雲南陳用賓進右都御史兼兵部右侍郎總兵官
沐畷進右都督各膺錦衣衛百戶時平猛奉功

選庶吉士項昂鉉王陞李胤昌錢象坤許獬王元翰王基洪
袁茂謙龔三益曾六德雷思霈公萬睦石呂邦耀鄭以偉薛
三省陳宗契蔡毅中戴章甫宋嘉文在茲馮奕垣而項昂鉉


以廷試筆異令筆閣臣揭上不得入館准改授

丙午膺萬世德錦衣衛副千戶

戊申以朝鮮善後功進趙志臯少師沈一貫少傅

已酉魏國公徐洪基為南右軍都督府僉書襄城伯李成勳
領南右軍都督府提督操江兼管巡江浙江提兵官都督僉
事李應詔甘肅提兵官都督同知張邦奇為南前軍都督府
僉書

丁巳禮部覆南太常卿沈子水請祀 建文帝宜 懿文太
子廟側專祭不報



庚申禮部右侍郎曾朝節為吏部左侍郎吏部右侍郎馮琦
為左侍郎教習庶吉士

前南兵部右侍郎李威春辛字 湖北蘄水人隆慶辛未

進士官禮科給事中轉廣東叅議被薦累至今官年 十
予祭塋

辛酉進士項昂鉉自請覆試至期引疾謫 典史

甲子叙甘肅功進總督李汝廵撫徐三畏兵部左右侍郎各
廢入監

總兵官達雲進太子少保

福建永春縣大雨水流溢泉州

戊辰命趙志臯兼支大學士俸進沈一貫太子太師辭不受
甘鎮功


己巳沔陽州大水入城

庚午虜犯寧夏平虜城興武營等處官軍拒斬二百餘級
壬申故少保兵部尚書鄭洛贈太保

己卯大正光明配殿災

己丑禮部右侍郎署祭酒教文楨兼翰林院事

辛卯兵科左給事中桂有根言套虜吉囊莊卜諸酋叩關求




款許之延綏舊撫臣王見賓也解任後豈能復行其約束乞
下新撫臣孫維城詳議利害報可

壬辰吏科都給事中郭如星刑科右給事中陳維春各劾前
稅監陳奉謫如星印江典史維春銅仁典史維春天啟二年
贈光祿少卿

平江伯陳王謨卒贈少保謚武靖

甲午沈一貫上言詩有既醉之篇臣祝其君曰君子萬年介
尔景福繼曰君子萬年永錫祚胤則願其子孫之多又曰釐
尔士女從以孫子願取淑媛而生賢子孫也有斯干之篇頌

築室既成曰築室百堵西南其戶爰居爰處爰笑爰語美新
宮也繼曰吉夢維何維熊維羆維熊維羆男子之祥言吉祥
善事當生聖子神孫于無已也今萬壽稱觴兩宮美成在廷
同祝而迎禧導瑞啟天之祥寔自聖心始 皇上大婚及時
故得聖子早令 皇長子大禮必備其儀推念真情不如早
諧伉儷之為適 皇上孝奉 聖母朝夕起居不如早遂含
飴弄曾孫之為懽乞今年先 皇長子大禮明春後再遞舉
諸皇子各禮子又生子孫又生孫坐見本支之盛享令名集
完福矣 上心動諭俟即日行之



九月乙未朔設廣東瓊州撫黎通判駐水蕉立清寧巡檢司

丙午少詹事范醇敬侍 皇長子班左右庶子唐文獻楊道

賓左右諭德黃汝良蕭雲舉右中允莊天合侍講讀

丁酉山東右布政使黃克績為右副都御史巡撫山東

戊戌巡撫大同房守土考滿加兵部右侍郎

補給朝鮮國王李昞誥服前亂失之

庚子左春坊左贊善兼檢討周如砥為右春坊右中允兼署

司業


壬寅巡撫河南曾如春報河決蕭家口先是開封歸德大水

高城蒙城等處河衝蕭家口百餘丈全河南徙淮泗賈舟不
及解寘于沙上

甲辰右春坊右諭德兼侍講蕭雲舉黃 主試武闈

丙午南祭酒郭正域少詹事周應賓俱為詹事兼侍讀學士
纂脩玉牒

丁未少傅大學士趙志臯卒字汝邁浙江蘭谿人隆慶戊辰
進士授編脩進侍讀忤張居正出廣東按察副使謫解州同
知起南太僕寺丞歷令官入相十年首輔五年被劾強半引
疾誠確謹厚雖多解救而才智限之年 十 予祭塋贈太



傅謚文懿

顧天峻曰嗚呼襄江陵之氣橫蓋一世而公挺身折之至
困抑不悔及公佐天子而言公者亦時有是言豈公之初
志哉

己酉朱應槐嗣成國公
琉球王世子尚寧奏求文臣專使


壬子夜諭內閣即舉 皇長子三禮次及諸子

癸丑提督河漕工部尚書劉東星卒字子明山西沁水人隆
慶戊辰進士授兵科給事中轉禮科左忤時謫蒲城丞徙令

盧氏萬歷初入刑部主事進戶部員外郎出河南按察僉事
歷湖廣左右布政拜右僉都御史巡撫保定入左副都御史
進吏部右侍郎憂去起工部左侍郎治單縣決河請浚趙渠
故道進尚書議開泃河卒于濟寧歷官久布衣脫粟學本主
靜年六十四予祭葬贈太子太保天啟初謚莊靖

丙辰禮部右侍郎朱國祚上冊儲分封儀注國祚為左侍郎
南吏部右侍郎李庭机改禮部右侍郎

戊午禮部尚書沈鯉朱賡兼東閣大學士並直文淵閣時廷
推九人 上已點朱國祚馮琦而沈一貫密揭二臣年未及



艾曷少需之先爰立老成者蓋為廢地也先鯉任禮部與閣
臣申時行相左請告擬放 上不許吏科都給事中陳與郊
望旨劾鯉益求去 上私語曰沈尚書不曉我意有老宮人
銀香聞之令小監密告鯉正色絕之竟引去
太常卿劉四科為右副都御史整飭薊遼邊務巡撫順天
蠲保定河間真定順德廣平馬價
己未巡按直隸御史張養志言治河塞黃垆口不南泄復李
古口東注宿邳間濬邳徐濬河築永夏隄開黃泥灣入泗濬
韓莊西支河章下所司

壬戌蜀府慶符王讓儀薨

癸亥右通政程奎為南太常卿


懷隆道兵備按察使馬崇謙削籍時天壽山火

十月乙丑朔頒歷 上不御殿

吏部右侍郎馮琦為禮部尚書南禮部右侍郎葉向高改南
吏部右庶子楊道賓為祭酒起成憲為南祭酒

丙寅順天府尹孫瑋為太常卿

甲戌閣擬 慈聖宣文明肅皇太后徽號曰貞壽曰瑞獻
上並用之



屬夷伯牙兒妻唐翠阿不亥叩闕求救命給半賞


乙亥時諸典廢費未脩 上欲改期沈一貫封還聖諭力言不可乃定

丙子諭內閣冊寶未完容補賜可否沈一貫因請如命俟上慈聖徽號補賜

已卯立 皇太子常洛詔曰蓋聞帝王久安長治之道莫重于崇建元良我 祖宗家法相承惟長是立所以厚國本定人心也朕長子常洛孝敬寬仁天鍾粹美奉朕諭教時敏厥脩今德器日益端凝學業日益精進允堪弘受慰朕至懷敬

入告于聖母冊為皇太子仰承廟社之靈俯順臣民之望爰望子常洵為福王常浩為瑞王常潤為惠王常瀛為桂王俾各守藩共維大統典禮既成普同天慶丕覃渥恩脩列于後云々嗚呼長男主器益綿有道之長衆子分封茂行無疆之慶敷予德意咸使聞知

葉向高曰初 上當命哲之日天祐皇衷詔告恩賚業儼然荷震器之重厥後天意未有所移而人情不無畸向匹嫡之嫌既生珮玦之疑滋起以仗名抗節之士吐防微杜漸之思君曰有待臣曰何待而朝論紛々矣迨夫儲宮既




淵定險禮制大明而攬構內滋鮮逆外作以貳極之尊安
涉墮淵之險危所藉九廟呵護神祖沉幾寵藩既出噴羨
遂消國祚奠于太山天也然父子天性終始之間倫物之
盡降于兩朝仁孝之經垂于萬禩稽之前代罕有其比矣
封翊銘為襄王

庚辰廷臣表賀

貴州畢節衛指揮馮國恩妻一產三子

壬午巡撫保定汪應蛟請屯田海濱略曰天津葛沽一帶咸
謂斥鹵不可耕種間有近河滋潤藝豈私收不過二三千臣

初謂地無水則鹹得水則潤若以閩浙瀕海治地之法行之
穿渠灌水未必不可為稻田今春始買牛製器開渠築隄計
葛帖白塘耕種共五千餘畝內稻二千畝其勤沃者畝收四
五石餘三千畝或種芻豈或早稻芻豈得澆糞亦畝收一二
石惟早稻竟以鹹立稿臣巡天津親勘副提兵陳燮稻水稻
約可收六千餘石芻豈可收四五千石于是軍民始信斥鹵
可盡變為膏腴也見在水陸兩營兵尚四千人歲餉六萬餘
金思維屯田可得足食長策荒田接畛奚啻六千頃若悉
如今法每千頃各致穀三十萬石七千頃可得穀二百萬餘



石非獨天津六萬金之餉可給即充近鎮之年例省司農之
轉餽無不可者章下戶部

癸未命 皇太子二月移居青戶部治費尚書陳藻引罪

上 聖母慈聖宣文明肅貞壽瑞獻皇太后徽號

甲午頒徽號詔

太白經天

設遷曰漢世宗立衛太子據太白長竟天識者知為兵兆
今春官方闢謫見天表迨其後享祚不永再傳而替豈非
應乎

十一月乙未朔禮部尚書馮琦上東宮及諸皇冠禮儀注

丙申大禮成進沈一貫兼太子太傅建極殿大學士廕尚寶
司丞


丁酉戶部覆議天津屯田行之後得不償失迄無成功則屯
將非其人也

辛丑南吏部尚書孫丕揚疾去起前南工部尚書裴其應乎

已未存問前大學士申時行王錫爵王家屏

前總督薊遼周詠廕錦衣衛百戶

庚申周府安吉王朝堤薨




辛酉前撫督兩廣右都御史陳大科卒字 江南通州人
隆慶辛未進士授河南推官歷右僉都御史巡撫廣西至撫
督生自世閥有才用窮極奢侈屢以賄劾卒後追叙海南平
黎功予祭塋贈兵部尚書
罷蘇松常鎮稅監孫隆以劉成代之

十二月甲子朔朝鮮國王李昖奏對馬島倭求款初平秀吉死
命大將家康領東北三十二州輝元領西南三十三州共助
幼子秀賴無何倭將景勝叛據關東家康悉兵攻之輝元與
行乘虛入大坂城今拒家康而敗家康誅行長等倭內亂而

對馬島主平義智及將軍調信悉歸朝鮮人乞和且聲言家
康轉餉十八萬石以脅之朝鮮恐開罪故以聞事下兵部令
萬世德議之

左庶子唐文獻為詹事兼侍讀學士
丙寅建州衛都督僉事 款塞北關屬夷那林字羅

請補雙貢許之初南関王台仇北関逞加奴仰加奴而王台
死二奴子卜寨那林字羅射王台孫万商死之万商子幼部
衆并勅百七十三道歸叔猛骨字羅時補雙貢那林字羅數
侵之猛骨字羅不能支從 其子女乞援



誘猛骨字羅于營陰殺之邊臣往詰則曰許婚其子吾兒
忽荅秋七月款撫順關外刑白馬誓撫吾兒忽荅遂女歸之
那林字羅亦歸原勅六十道補雙頁如猛骨字羅時也自猛
骨字羅忘仇助北關戕于建州南關不絕如綫建州始蚕食
北關盡併海西諸虜入貢駟騷命禁之
丁卯誅皮林苗吳國佐原洪州司特峒寨苗也叛後叛
自稱天王上將
辛未命復朶顏諸夷馬木二市并復寧前木市初開原廣寧
馬市起成化十四年木市始萬曆二十三年

壬申宣寧夏十三寨之捷


壬辰許福王出閣


壬寅命徐三畏以兵部右侍郎兼右僉都御史前加恩時失
兼憲秩

癸卯 皇太子及諸子皆冠

禮科右給事中白瑜上四事戒侈大惜人才平刑獄
不報


思明土官黃承祖死祿州夷酋韋達禮作亂犯思陵州思明
陵土官黃紹曾馭下騾慘刻失人心遂突州境執紹曾去







西華
刻玉
不
蘇
癸
蘇
主
士
士
士

國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國權

萬曆三十年壬寅

正月甲午朔 上不朝

丁酉工部請勅總河侍郎李頤便宜行事許之

辛亥南澳地震有聲南澳界閩粵間

甲寅蠲潛江沔陽石首巴陵華容廣濟景陵平江荆門大冶

興國災租仍賑之

丙辰立遼陽自在州儒學



國權

萬曆三十年

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



千戶王應魁請遣貴州稅監沈一貫擬旨力阻之

丁巳增東宮官屬詹事郭正域周應賓同曾朝節范醇敬侍
班唐文獻黃輝莊天合侍讀史繼偕編脩楊繼禮各兼洗馬
直講讀

夜火星逆行入太微

己未福王暫講武英殿西廡

命增設漕河道以霸州兵備叅政汪可受為山東按察使專
其事

諭百官脩省

辛酉淮府常澧嗣德安王

壬戌設沅州游擊統兵轄辰常平清偏鎮六衛

癸亥前太子太保兵部尚書梁夢龍卒字乾吉直隸真定人

嘉靖癸丑進士官兵科給事中久之都吏科以何擢順天府


丞出為河南按察副使治河成進陝西叅政旋進山西按察

使隆慶二年進河南左布政明年右僉都御史巡撫山東賑

飢決河進右副都御史改河南入戶部右侍郎改兵部憂去

起兵部左侍郎尋進右都御史搃督薊遼挫虜廢錦衣百戶

累千戶邊垣城進太子少保召入部進太子太保遷吏部尚




書以張氏黨論去
倪元略曰公因江陵所拔士也又受知深終江陵之世公

用條茂而是時有御史劉臺者亦江陵士以請劍得杖謫
死故當時之議以公守雌不如臺毅抑猶見隼之飛下誅
馬走非至論也自江陵之身功罪離劈如人見其面癢肉
並列故橋中足智戴威決殺弛哀于親哀榮于子者罪也
鍾邊鞫吏快賞痛罰粹擢天下歸于湛新者功也罪已墮
其家矣而功揭于國雖加利銘益以健水不可得剷焉二
子之遭幽牢異蹄跡其所處各有其際矣夫諫者之情亦
借物以發其氣則與其罪際分城守障之吏得用權以極

其才即與其功際與其罪際則不得不死與其功際則不
得不致其勲名死之與勲名皆有不得不然者驅之豈早
定哉或曰入則際其罪矣又不去與終始焉昔宋荆國變
法諸賢聞之皆引去謀于邵雍力止之謂當乘此侈力
引濡救燒投効無濟雍潛士命人如此然聞之故老公佐
樞時江陵握屬絨公進平敵多所救江陵母死廷臣連章
勸苗數十輩公時在朝無公名由此言之則公非苟同江
陵者也

二月甲子朔工部覆保定巡撫汪應蛟上議曰廣興水利易水



可以溉金臺滹水可以溉恒山滹水可以溉中山滹水可以
溉襄國漳水來自鄴下西門豹嘗用之瀛海當諸河下流故
號河中視江南澤國不異至于山下之地中之水所在而
有耳委各郡佐一員及州縣正官選南人能識水利者詳閱
某可填某可渠高則灌注下則車汲悉如南方法計六郡內
可成水利數萬頃此國家無窮之利也曰脩理云云報可
辛卯停國子監納貢


庚午蠲山東鉅野嘉祥武城曹縣濟寧定陶嶧縣魚臺朝城
觀城濮州金鄉滕縣莘單田租

丁亥吏部尚書李戴戶部尚書陳藻等各請遵前諭不聽

庚寅太僕卿南仲企言聖諭已頒自是獄無繫囚野無遺賢
乃數日來不惟吏部復職何人且以發訪單為詞則尚書李
戴當罷亦未聞刑部釋囚何人且以勒保結為詞則尚書蕭
大亨當罷上怒其市恩鑄級調外

辛卯諭內閣礦稅俟三殿成停之沈一貫奏請不聽
廣東採珠太監趙安道臨淮以知縣林錄不遣役諱其抗掠
逮下獄巡撫鳳陽李其才疏其枉不聽

壬辰吏部尚書李戴請宥建言得罪諸臣不聽



閏二月甲午朔保定巡撫汪應蛟及劉四科楊時寧安文璧黃

克績巡按趙標黃吉士等先後請停礦稅不聽

丙申虜納款先是罷市賞十餘年丙申貢馬給其直俄屢寇

已亥築松山諸首黨醇我斬獲凡三千始專戰今吉囊著宰

等求款前巡撫王見賓上之約保塞一年准市否則拒遂准

十一月開市

巡撫雲南陳用賓子斗昭歷錦衣衛百戶世秩

丁酉李承祚嗣豐城侯 李環子

癸卯工部右侍郎姚繼可為尚書司禮太監田義閱京營

甲辰檢討王圖為南右春坊右中允署翰林院事

乙巳劉天錫嗣寧晉伯 應元子

丙午刑科給事中張鳳翔劾南企仲與南兵部主事武之望

為兒女姻先是同官吏部之望外斥頃入京給由揭企仲陰

罪自恐奸露借建言飾醜命企仲削籍永不叙

己酉趣宗人府王牒新冊


雲南右布政使理昌致仕加太僕卿

辛亥禮部左侍郎朱國祚改吏部左侍郎巡撫保定汪應

蛟為工部右侍郎

國權 萬曆三十年

五



論寧夏功進沈一貫少傅田樂兼太子太傅各賜金幣餘有
差巡撫寧夏楊時寧進兵部尚書

乙卯禮科都給事中張問達論前姚安知府李贄解官削髮
所著藏書焚書卓吾大德等刻惑亂人心謂呂不韋李園為

智謀李斯為才力馮道為吏隱卓文君為善偶司馬光論秦
引羊欺武帝為可笑秦始皇為千古一帝俱刺謬不經寄居

麻城引士人妻女入庵講法作觀音問近至通州距京四十
里招致蠱惑乞勅禮部回籍治罪燬其書 上以感世誣民

下鎮撫司閣臣揭以老免拷訊贄在獄雞髮引剃刀自刎死


寔錄云逮至懼罪不食死贄字卓吾 人嘉靖貢士自姚
安歸住麻城之龍潭庵机辨鋒利人莫能難辛丑以御史馬

經綸迎至通州所至傾動而怪僻矯悖無少忌憚終填牢戶
非為不幸也

御史湯兆京劾吏部左侍郎朱國祚酒失不報
崇府世子 薨

戊午陝西河州蓮花寨等處黃水涸
已未予故光祿卿李用敬祭塋

辛酉巡撫大同房守土疾去
國權 萬歷三十年



五月癸亥朔貴州總兵官李遇文免時銅仁剿賊託疾不赴

巡撫陝西賈待問言稅監梁永脅渭南知縣徐斗牛忿死事

下撫按斗牛

人萬歷

進士

甲子諭內閣以戶部尚書陳蕪侍郎張養蒙並託疾令致仕
令倉場侍郎趙世卿署部事

乙丑唐王碩燿以邸第災求補給衮冕及皮弁等允之

御史康丕揚請逐妖僧達觀不報

設遷曰諺云爭名于朝爭利于市朝市間隱者不預焉若
棲岩澗汲子焉瓢笠何外求之有使李贄不客通州達觀

不游長安雖彌天之網何能累之彼猶競勝于方之內宜

其及也

丙寅上怒給事中蕭近高御史余懋衡李培申所請錄建
言諸臣切責之各奪歲俸并及前沾名鄒元標沈一貫疏救
命降二級者奪歲俸降雜秩者鐫一級削籍者仍留


丁卯許故大學士高拱贈廕從其子務觀之言

延綏總兵官都督同知麻承恩為鎮西將軍總兵官鎮守大
同湖廣偏橋總兵官都督同知陳璘鎮守貴州兼提督平浪
清溪等衛總兵官

國權

萬歷三十年

七



己巳宣府飢免田租賑之

辛未錦衣衛南鎮撫司指揮僉書鄭朴除名同監生吳中彥
誑賄給事中洪瞻祖劾之

巡按廣東御史李時華劾稅監李鳳不報

甲戌鎮守廣東提兵官李如樟命為將軍提兵官鎮守
延綏

丁丑賜繁昌王厚燦書院曰味道

御馬監太監徐銳以寶坻等縣牧馬草場千三百餘頃為豪
占請勘

庚寅兵部尚書田樂罷

四月丁酉太常卿孫瑋為右副都御史巡撫保定等處提督紫
荊等關

辛丑蠲順天永平去年災租


雲南緬首雍罕糾眾十萬攻蠻莫土官思正明巡撫陳用賓
議剿撫

以延綏巡撫孫維城派軍扒沙軍譟命誅首禍者

壬寅總理河道工部右侍郎兼右都御史李願卒字 江

西餘干人嘉靖 進士授中書舍人拜御史忤張居正出

國權 萬歷三十年



知湖州歷右僉都御史巡撫順天加右都御史改兵部尚書
有經幹學行予祭葬

癸卯大學士朱賡入朝

倭將清正歸我漢人八十七人及倭書二函與通事王天祐
還閩巡撫福建朱運昌奏之下兵部令嚴備

乙巳光祿少卿王紀疾去

時大旱部科交章請罷礦稅不報

丙午夜月食

丁未命給南守備太監邢隆徵收徽寧稅契勅印閣臣揭阻
之不報


戊申浙直織造太監孫隆以浙水災將婚禮袍服三運分六
運每歲二運從之

己酉封益府常馮浚江王

癸丑陝西稅監梁永請鎮守銜及清理花馬池慶陽等鹽池
兵部執事不報

己未京師大雨雹

禮科右給事白瑜極言封場今作乾德殿不可成初巡視御
史林道楠言工程乾清坤寧兩宮高十二丈今基高八丈一



又衡十七丈又殿高數丈勢出宮闕之上不報

辛酉寬灤州三河豐潤昌黎樂亭保定大城等縣站銀

五月辛亥吏部稽勲郎中趙邦清為御史金忠士給事中張鳳翔所劾力辨如欽選東宮淑女楊氏買為妾置不辨降邦清三級調外

前總督遼薊尚書邢玠終養

乙丑安徽潁州雨雹

戊辰太監劉成徵稅蘇松常鎮激變

己巳雲南沙儂攻

土司殺

薄臨安

廣西荔波州以獨山州土酋蒙天眷南丹州土官莫之厚恣

掠截縣道撫按以事上

辛未晉府河東王懷鍵薨


甲戌遣禮部員外郎劉憲龍存問前禮部尚書陸樹聲

庚辰四川長便渠底等處地震天鳴如雷申刻又大震

江西稅監潘相掠諸生及輔國將軍謀托各宗大閤抉門入相走免誣劾上饒知縣李鴻報怨鴆除名

六月辛卯朔夜四川渠底地震

丙申山東齊河等州縣水災



許朝鮮使臣歲市弓二百外加其一百

吏部擬趙邦清兩淮運判不許復擬絳州同知竟削籍邦清

始令滕縣治行第一

戊戌工部右侍郎汪應蛟省侍

辛丑存問前吏部尚書楊巍

追封故周府朝藩遂平王謚惠懿在缺遂平王謚懷恪

吏部郎中鄧光祚疾去

丁未巡撫延綏孫維城卒字 山東邱縣人隆慶辛未進

士時軍謀請卹不果

戊申彙顏衛頭目納喇更名失留速阿卜亥貢馬陞都指揮

僉事給勅

福建興化泉州地震

己酉太師領後軍都督府定國公徐文壁卒贈光祿大夫柱

國謚康惠

承天府人訖言選婚福王嫁娶立畫

庚戌吏部郎中吳仁度救趙邦清被論調用南京


甲寅廣西東蘭州土官常文第為思吉鎮土餘常文燦所殺

劫印

國權

萬歷三十年

土



丙辰左軍都督同知王之楨進右都督
丁巳京師大雨水壞民舍


七月庚申朔巡撫雲南陳用賓奏平緬叛酋阿瓦糾木邦等夷
十餘萬犯蠻莫宣撫司同知思化子思正素勇悍隴川勾木
邦阿瓦連諸夷來攻不能支走騰越乞我援阿瓦木邦兵尾
之歷二思越諸閩直抵黃連關而陣距騰越三十里城內大
震兵備副使漆文昌參將孔憲卿慮州城不保詔思正殺之
我兵取其首令阿瓦取一膊時云陳用賓失計凡為屬夷俱
不保首領矣

王洞喝諸夷恣掠九閱月漸露購捕之

丙子夜月生五色重暈

戊寅大學士沈鯉汎入朝

己卯吏科覆吏部署文選郎中倪斯蕙議十八則曰明職掌
不輕改曰議推陞部寺便于輪對曰酌資俸存先後之次曰
酌南北別利鈍之器曰均邊腹使用有互効曰均勞逸以服
衝僻曰拔異等為循良勸曰搜遺逸以重真澹曰議推捕就
近曰酌起復優改曰優終養曰行人論俸當通筭曰推官知
縣筭俸當通融曰州縣調簡宜酌曰入粟太冗不妨停小例



開大例曰巡倉改選宜覈曰掣籤宜分地惟人情曰試歲貢
宜重策問命如議行

癸未夜有長星首赤尾白有聲中裂流西南

署兵部事刑部尚書蕭大亨等以遼東稅監高淮既獲逃軍
列銜鎮守協同關外其銜胡為乎來哉外廷不問簡命之頒
而儼然竊之何也有旨高淮協管關務置不問

丙戌左都御史溫純論礦稅之害請撤李鳳陳增楊榮高淮
等云鳳淫縱至汚婦女六十六人私貨至三百肩六十艘不
數時武弁奸人群起言利杜景雲奏徽州監生曹應鵬助工

六萬金閩應龍奏海澄縣機易山產金歲治可金十萬銀三
十萬羣臣力沮之不得

武清伯李文全進武清侯劉天錫嗣寧晉伯

吏部左侍郎朱國祚予告

薊鎮屬夷兀良哈部獐鬼糾虜犯紅山溝守將敗之斬三十
級俘五十人

八月丁未德妃許氏薨謚莊靜初兩宮災妃屢刺上昏不知省
上怒幽之至是命禮葬

壬子御史趙標避其父順天府尹欽改尚寶少卿

